



**UNIT KOMUNIKASI KORPORAT
JABATAN PERIKANAN MALAYSIA
BERITA PERIKANAN HARI INI**

14 Oktober 2020

SENARAI AKHBAR	TAJUK
Utusan Malaysia	• Sampah hantui nelayan
Berita Harian	•
Harian Metro	• APMM lupus 9 bot nelayan asing
Kosmo !	• Sembilan bot nelayan Vietnam dilupus jadi gugusan Tukun Segantang
Sinar Harian	• Nelayan kena penjara 12 tahun
The Star	•
New Straits Time	•
Nanyang Siang Pau	•
Malaysia Gazette	•
Harakah	•
Malaysia Dateline	•
Bernama	•
See Hua Daily News (Kuching)	•
Guan Ming Daily	•
Sin Chew Daily	•

JENIS AKHBAR						MUKA SURAT	TARIKH		
UTUSAN MALAYSIA	✓	KOSMO!		THE STAR	NANYANG SIANG PAU				
BERITA HARIAN		SINAR HARIAN		THE SUN	ORIENTAL DAILY				
HARIAN METRO		NEW STRAITS TIMES		THE MALAY MAIL	PELBAGAI				
KATEGORI LIPUTAN: POSITIF			NEGATIF		NEUTRAL		13 14/10/2020		

Sampah hantui nelayan

UM 1/13 14/10/2020

Oleh RAJA JAAFAR ALI
utusannews@mediamula.com.my

JOHOR BAHRU: Baru hendak bangkit semula selepas Perintah Kawalan Pergerakan (PKP), timbul pula masalah baharu menghantui nelayan Kampung Pasir Gudang Baru yang terpaksa berhadapan masalah lambakan pembuangan sampah, di Kuala Sungai Johor.

Situasi tersebut mendatangkan kebimbangan kepada mereka apabila lambakan sampah menyebabkan hasil tangkapan berkurangan kebelakangan ini.

Pengerusi Persatuan Nelayan Kawasan Johor Selatan, Azli Mohd. Aziz berkata, sampah yang terlalu banyak menyebabkan banyak hidupan laut tidak dapat membiak.

"Pernah nelayan dapat lebih 30 kilogram sampah ketika menarik jala, bukannya ikan. Kalau dapat ikan lain kira, ini dapat sampah.

"Ini memberi kesan kepada para nelayan sekiranya tidak dibendung sudah tentu hidupan laut seperti ikan dan kupang berkurangan," katanya kepada *Utusan Malaysia* di sini baru-baru ini.

Menurut Azli, sampah tersebut bukan setakat terapung di muara sungai, malah bersepah di celah-celah pokok bakau terutama di dasar sungai yang



SAMPAH mengotori sepanjang Kuala Sungai Johor di Kampung Pasir Gudang Baru, Johor Bahru, baru-baru ini.

berpunca daripada sikap orang ramai membuangnya ke dalam sungai.

"Apabila air surut, banyak sampah kelihatan merata-rata di pokok bakau dan pesisiran sungai," katanya.

Azli berkata, pihaknya sudah memaklumkan masalah itu kepada Majlis Perbandaran Pasir Gudang supaya membuat perangkap sampah di sekitar kawasan Kuala Sungai.

"Jika tidak diuruskan dengan

segera, sudah tentu perairan Kuala Sungai Johor tercemar dengan sampah.

"Akhirnya bukan sahaja mencemarkan alam tetapi menjejaskan hasil pendapatan kami sebagai nelayan," ujarnya.

JENIS AKHBAR						MUKA SURAT	TARIKH	
UTUSAN MALAYSIA		KOSMO !		THE STAR	NANYANG SIANG PAU			
BERITA HARIAN		SINAR HARIAN		THE SUN	ORIENTAL DAILY			
HARIAN METRO	✓	NEW STRAITS TIMES		THE MALAY MAIL	PELBAGAI			
KATEGORI LIPUTAN: POSITIF			NEGATIF		NEUTRAL	20	14/10/2020	

APMM lupus 9 bot nelayan asing

HM 11/5 20 14/10/2020

Besut: Sembilan bot nelayan asing dirampas Agensi Penguatkuasaan Maritim Malaysia (APMM) Terengganu dilupuskan di perairan Pulau Susu Dara, di sini untuk dijadikan tunan tiruan.

Pengarah Maritim Terengganu, Kepten Maritim Muhammad Suffi Mohd Ramji berkata, semua bot milik nelayan Vietnam dilucutkan hak kerana mencero boh dan menangkap ikan di perairan negara antara 2018 dan 2019.

"Tukun itu dinamakan Tukun Segantang sempena memperingati jasa Kapal KM Segantang yang merupakan kapal tertua APMM yang pernah me-

nangkap 80 bot nelayan asing sejak 2015 hingga tahun ini," katanya pada sidang media selepas menyaksikan proses pelupusan bot di perairan Pulau Susu Dara pagi semalam.

Majlis disaksikan Pengerusi Jawatankuasa Pertanian, Industri Makanan, Perladangan, Komoditi dan Pembangunan Luar Bandar negeri, Dr Azman Ibrahim.

Muhammad Suffi berkata, tukun di harap mampu memulihara dan menggalakkan biodiversiti marin serta menunjukkan komitmen APMM dalam mengekang banjiriran nelayan asing ke perairan negara.

"Ia ditenggelamkan di sempadan perairan Kelantan dan Terengganu bertujuan menggalakkan aktiviti perikanan rekreasi khususnya untuk bot nelayan kelas A.

Hasil kajian dengan kerjasama Institut Sumber Marin Asia Tenggara (ISMAT) juga mendapati lokasi mempunyai kedalaman air 25 meter dan sejauh 9.2 kilometer dari Kuala Besut itu amat sesuai untuk bot berkenaan ditenggelamkan," katanya.

Tambahnya, mengikut rekod sehingga kini APMM menenggelamkan 155 bot nelayan asing di perairan Terengganu sejak 2006. - Bernama

BOT milik nelayan Vietnam yang dilupuskan APMM di perairan Pulau Susu Dara, semalam.



JENIS AKHBAR							MUKA SURAT	TARIKH
UTUSAN MALAYSIA		KOSMO!	✓	THE STAR		NANYANG SIANG PAU		
BERITA HARIAN		SINAR HARIAN		THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN: POSITIF			NEGATIF		NEUTRAL		11	14/10/2020

Sembilan bot nelayan Vietnam dilupus jadi gugusan Tukun Segantang

KOSMO M/S 11
14/10/2020

BESUT - Maritim Malaysia (APMM) menenggelamkan sembilan bot nelayan Vietnam yang telah dilucut hak di perairan Pulau Susu Dara dekat sini semalam.

Pengarah Maritim Terengganu, Kepten Maritim Muhammad Suffi Mohd. Ramli berkata, kesemua sembilan bot nelayan Vietnam berkenaan dilupuskan untuk menjadi tukun tiruan di perairan tersebut.

"Gugusan tukun tiruan itu telah dinamakan sebagai Tukun

Segantang sebagai penghargaan terhadap Kapal Maritim (KM) Segantang yang pernah digunakan sebagai aset terpenting APMM di perairan Terengganu.

"Operasi APMM menggunakan KM Segantang berjaya menangkap 80 nelayan asing yang mencerobohi perairan negara sepanjang lima tahun tempoh perkhidmatannya sebelum dipulangkan semula kepada Tentera Laut Diraja Malaysia pada 10 Jun lalu," katanya kepada pemberita di sini semalam.

Terdahulu beliau ditemui selepas menyaksikan pelupusan semua bot nelayan Vietnam terbabit yang disempurnakan Pengerusi Jawatan kuasa Pertanian, Industri Makanan, Peladangan, Komoditi dan Pembangunan Luar Bandar Terengganu, Dr. Azman Ibrahim.

Muhammad Suffi berkata, KM Segantang yang berusia 55 tahun merupakan aset tertua pernah dimiliki APMM namun masih kukuh disebabkan diperbuat daripada besi padu.

JENIS AKHBAR						MUKA SURAT	TARIKH
UTUSAN MALAYSIA		KOSMO!		THE STAR	NANYANG SIANG PAU		
BERITA HARIAN		SINAR HARIAN	✓	THE SUN	ORIENTAL DAILY		
HARIAN METRO		NEW STRAITS TIMES		THE MALAY MAIL	PELBAGAI		
KATEGORI LIPUTAN: POSITIF			NEGATIF		NEUTRAL		29 14/10/2020

Nelayan kena penjara 12 tahun

Mengaku salah memiliki dadah tahun lalu

Oleh RUBIAH OMAR

KUALA TERENGGANU

Seorang nelayan dijatuhi hukuman penjara 12 tahun di Mahkamah Tinggi di sini semalam selepas mengaku salah memiliki dadah tahun lalu.

Tertuduh, Mustafa Mohammad, 60, sebelum ini berdepan Seksyen 39B(1)(a) Akta Dadah Berbahaya (ADB) 1952 dan boleh dihukum mengikut Seksyen 39B(2) akta sama yang membawa kepada hukuman gantung jika sabit kesalahan.

Bagaimanapun, tertuduh menarik nafas lega selepas permohonan representasi yang

dimohon melalui peguam belanya, Mazlan Md Zain dibenarkan Jabatan Peguam Negara sebelum ditawarkan pertuduhan pilihan mengikut Seksyen 12(2) yang membawa hukuman mengikut Seksyen 39A(2) akta sama.

Mengikut pertuduhan, tertuduh didakwa memiliki dadah jenis heroin seberat 20.75 gram di belakang sebuah rumah di Kampung Gong Balai, Merchang, Marang, jam 11.30 pagi pada 19 Disember 2019.

Tertuduh yang berdepan hukuman mengikut Seksyen 39A(2) akta sama berdepan hukuman penjara seumur hidup atau satu tempoh yang tidak kurang lima tahun dan sebatan tidak kurang 10 sebatan, jika sabit kesalahan.

Terdahulu, Timbalan Pendakwa Raya Amer Abu Bakar Abdullah menghujahkan hukuman sebatan yang dikecualikan terhadap tertuduh digantikan dengan hukuman penjara



Tertuduh dipenjara 12 tahun selepas mengaku salah miliki dadah di Mahkamah Tinggi Kuala Terengganu semalam.

yang lebih lama memandangkan tertuduh mempunyai lima rekod lampau berkaitan dadah.

Tertuduh dikecualikan daripada hukuman sebatan mengikut Seksyen 289 (c) Tatacara Jenayah yang menyatakan tertuduh berusia 50 tahun ke atas

dikecualikan daripada sebatan.

Selain itu, tertuduh turut berdepan dua lagi pertuduhan mengikut Seksyen 12(2) akta sama yang membawa kepada hukuman mengikut Seksyen 12(3) akta sama.

Mengikut pertuduhan kedua

dan ketiga, tertuduh didakwa memiliki dadah jenis methamphetamine seberat 3.13 gram serta 0.4 mililiter dadah mengandungi heroin dan monoacetylmorphines.

Bagi pertuduhan keempat, tertuduh didakwa mengikut Seksyen 30(3) Akta Racun 1952 kerana memiliki racun jenis etizolam seberat 1.81 gram.

Hakim Datuk Abdul Wahab Mohamed menjatuhkan hukuman penjara 12 tahun bagi pertuduhan pertama.

Bagi pertuduhan kedua dan ketiga, mahkamah menjatuhkan hukuman penjara empat tahun bagi setiap pertuduhan manakala tertuduh dijatuhi hukuman penjara tiga tahun bagi pertuduhan keempat.

Bagaimanapun, Abdul Wahab mengarahkan hukuman penjara berjalan serentak daripada tarikh tertuduh ditangkap iaitu pada 19 Disember 2019.